


KUKHULULA
KUKHULULA
LABABOSHIWE

SIGABA I



INCHAZELO BUGCILI

- Singabuchaza nganatindlela letilandzelako:
 - Ngumutfu lophetfwe ngulomunye futsi abete inkhululeko yekwenta tintfo noma abe nelutfo.
 - Ngumuntfu lophocelelwe kutsi asebentele lomunye umuntfu ngaphandle kwesifiso sakhe.
 - Ngumuntfu lophetfwe ngulomunye angakhoni kutentela tintfo ngendlela yakhe



TIGCILA TASEROMA

- ... tigcila betiphatfwa njengelutfo lwabo ngekwemtsetfo wase Roma bebete lilungelo lwebuve. Bona bebangafani nebantfu base Roma, bebashaywa, bahlushwa ngetelicansi (labatsengisa ngemtimba bebatigcila), kulinyatwa nekubulawa. Bufakazi besigcila bebungavunyelwa enkantolo ngaphandle nasilinyatiwe-intfo lebeyentiwa ngenkholo yekutsi tigcila betingeke tikhiphe bufakazi lobulimatako ngemniyo waso ngaphandle kube siphocelwelwe.¹




¹ http://en.wikipedia.org/wiki/Slavery_in_ancient_Rome

Bona SICU 1



Encwadzini ya Exodus sifundza kutsi ema Israyeli
bekaphatseka njani atigcila Egibhithe:
"Benta timphilo tabo taba buhlungu ngekutsi bakhe titini
nayoyonkhe imisebenti lematima yasemasimini; kuko konkhe

Bona SICU 1



Ngikubonile kuhlupheka
kwebantfu bami Egibhithe.
Ngikuvile kukhala kwabo
ngenxa yalababagcilatako,
ngineminako ngekuhlupheka
kwabo. Sengehlide
ngitobakhulula esandleni
Semagibhithe ...

Kepha Mose, lobekaluhlobo IwaJesu, wabitwa nguNkulunkulu
kutsi akhulule bantfu bakhe ebugcilini. (Eksodusi 3:7-10)

TIGCILA TESONO

- INCHAZELO YEBUGCILI EBHAYIBHELINI:
Wena usigcila saloko lokukubamble, noma loyo
lomtfobelako:
 - 2 Phetro 2:19 Babatsembisa inkhululeko, kantsi bona
batigcila tekubhubha; ngoba **loko lokumehlulako**
umuntfu usigcila sako.
 - BaseRoma 6:16 Anati yini kutsi **loyo lenitinikele kuye**
nitigcili tekumlalela? Nitigcili talowo **lenimlalelako**,
nome tesono kube kufa, nome tekulalela Nkulunkulu
kube kwemukeleka kutsi nilungile.

□ Sono nekungalungi
kungamgcilataumuntfu:

- Taga 5:22
*Imisebenti yemuntfu
lomubi ilugibe,
ubanjwa elugibeni
lwesono sakhe.*
- BaseGalathiya 3:22
*Kodvwa umBhalo utsi
bonkhe bantfu
bangephansi
kwemandla esono ...*
- Johane 8:34
*Ngicinisile
ngicinisile, wonkhe
umuntfu lowenta
sono, usigcila saso...*



Bona SICU 1



Ngiyakubona kutsi
ugcwele buhlungu
futsi **usigcila sesono**

Khumbula kutsi watsini Phetro kuSimoni wemilingo uma afuna
kutsenga emandla ekubeka batfu tandla bemukele Umoya

UMNIKATI WESIGCILA

□ Umnikati wesigcili ngusathane:

- 2 Thimothi 2:25-26 Sibayale ngemoya lomnene labo labamelene naso, mhlawumbe Nkulunkulu angabanika kuperhendvuka, badzimate balati liciniso, baze basanguluke etingcondvweni tabo, baphunyule elugiben iwaSathane, lowabagcilata kuze bente intsandvo yakhe.





- John Salisbury Cochran uyasitjela, asengumfana wase Nshonalanga Virginia, wabona tigcila titsengiswa ngemnyaka wa 1851. Lomunye wetenkholo kulesicuku wamqhzazela ngebubi bekwenta bantfu tigcili nekutsi tigcili tesifazane

KUKHULWA EBUGCILINI

- Emadvodza lamabili asaqhudzelana kutsenga make lonsundvu losakhulile, lendvodza yetenkholo yatsintseka yasondzela nayo yangena kulomghudzelwano. Yenyuka njalo lemali yekumtsenga wagcina aphumelele lowetenkholo wahlula lalabanye. Lowetenkholo, indvodza bekutsiwa ngu Joshua Cope, watsatsa liphepha lekumtsenga, walifundza wase ubhala lokutsite ngemuva kwalo. Kwaba nengucuko ebusweni balesigcili- wagcwala injabulo. Bekabhale kutsi,
"Mine, Joshua Cope, umnikati,
ngiyavuma, kukhululwa, njalonjalo, kwesigcila,
Matilda Taylor."¹

¹ KUTSATSELWE KU: <http://strattonhouse.com/index.php>



Umoya
waNkulunkulu
usetikwami ...
Ungitfumile
kukhulula
labatfunjiwe



See NOTE 1

Jesu naye watsenga inkhululeko yalabo labagcilitwa sono.
ENazaretha esinagogweni, Jesu watsi utele "kushumayela
inkhululeko kulabatfunjiwe" (Lukha 4:18).

SIGCILA SESONO

- Pawula uchaza simo semuntfu ngalendlela:
 - BaseRoma 7:14-21 Siyati kutsi umtsetfo waMoya, kodvwa **mine ngingumuntfu wemhlaba, lotsengiwe esonweni**. Loko lengikwentako angikucondzisisi, ngobe loko lengikutsandzako angikwenti, kepha ngenta loko lengikutondzako. Nangabe-ke ngikwenta loko lengingatsandzi kukwenta, ngiyawuvumela umtsetfo kutsi ulungile. Kepha-ke akusesimi lona lowenta kodvwa sono lesihlala kimi. Ngobe ngiyati kutsi kute lokulungile lokuhlala kimi, ngisho emtimbeni wami; nome sifiso sikhona kimi sekwenta lokulungile, kodvwa ngite emandla ekukwenta. Ngobe lolokulungile lengitsandza kukwenta, angikwenti, kodvwa lolokubi lengingafuni kukwenta, ngiyakwenta.

SIGCILA SESONO

- Nangabe ngenta lengitsandzi kukwenta, loko kusho kutsi akusesimi lowo lokwentako, kodvwa ngulesono lesihlala kimi. Ngako ngikhandza kutsi kunemtsetfo losebenta kimi: nangifuna kwenta lokulungile, lokubi kunami shaqa.

□ BaseRoma 7:22-25 Ngobe
ngekwemuntfu longekhatsi
ngitfokotela umtsetfo
waNkulunkulu. Kodvwa ngibona
umtsetfo lomunye losebenta
emalungeni ami ulwa nemtsetfo
wengcondvo yami. **Ungenta ngibe**
sigcili semtsetfo wesono
lesihlala emalungeni ami. **Maye**
kimi! Mine sihlupheki!
Ngitawukhululwa ngubani mine
kulomtimba wekufa? Akabongwe
Nkulunkulu ngeNkhosi yetfu
Jesu Khristu! Ngako-ke mine
ngekwami ngikhonta umtsetfo
waNkulunkulu ngengcondvo yami
kodvwa ngekwemvelo yami
ngikhonta umtsetfo wesono.




IMIKHUBA LENGAYEKELEKI

- Usigcila yini sesono? "Kubanjwa" kuchaza intfo lefana naleyo.
 - Kungenteka wati umuntfu lodla tidzakamizwa lotsembisa umluleki kutsi sewuyele. Etinyangeni letisitfupha letilandzela abuyelete.
Bugcila lobo!
 - Noma sidzakwa lesifunga kumkaso nebantfwana baso, nakuNkulunkulu kutsi angeke aphindze abutsintse; kepha emuva kweliviki, nango asabuyela.
Bugcila lobo!

IMIKHUBA LENGAYEKELEKI

□ Kubanjwa ngekwetemphilo

- Yintfo lechubekako,
**kuchubeka uncike entfweni
tsite noma umkhuba...**
Kepha sekwaphindze kwangetwa,
indlela imizwa yakho lesebenta ngayo.
Labanye bacwaningi bakhulum
ngetinhlobo letimbili tekubanjwa:
tintfo letiphatsekako (njenganaku,
kudzakwa, kudla tidzakamizwa, kubhema); **kanye**
nekubanjwa ngimikhuba (njenganaku, kugembula
kumosha, kutsenga, kudla, nekutelicansi).¹






□ Eveni lase Melika:

- Nabafika ebangeni lesiphohlongo (*Grade 8*), 52% webantfwana basuke sebake babunatsa tjwala, 41% babhema ligwayi, bese 20% babhema insangu.

Besilisa nabalinganiswa nebesifazane, lokuphindvwe kane tjwala, lokuphindvwe kanye nehhafu liphakethe leligwayi ngetulu ngelilanga, nalokuphindvwe kabili kubhema insangu evikini.¹

¹ Ibid



Bulala Ligwayi
uphephise
imphilo yakho.
Kwakho!

- ... 25% welinani lebantfu liyalisebentisa ligwayi. Ligwayi kubikwe kutsi libulele bantfu ngalokuphindvwe kabili nehhafu ngemnyaka kunalabo lababulewe tjwala netidzakamizwa kuphindziwe. Ngekwelucwaningo lolwentiwa yi the World Health Organization, bangu 1.1 billion lababhema ligwayi mhlabawonkhe labangu 10,000 labafako ngalo njalo ngelilanga.¹

IMIKHUBA LENGAYEKELEKI

- Angabalelwa etigidzini letine Emamelika langetulu kweminyaka lelishumi nakubili lasebentisa emaphilisi, imijovo nemitsi "hhayi ngetizatfu tekugula" ngenyanga yinye.¹



¹ Ibid



- Kudla ngetindlela letikabi, lokufana nekudla kakhulu, kudla lokugcwele emafutsa, kuyawalimata Emamelika langalinganiselwa etigidzini letisihlanu. **15% wemantfombatane lasakhulile** anetindlela tekudla letingakalungi. Besifazane labangetulu kwenkhulungwane bayafa njalo ngemnyaka ngendzaba yesifo lesibangwa kudla kabi batsi behlisa emfutsa. ¹

¹ Ibid



- Kunelucwaningo eHarvard lolwatfola kutsi angabalelwa 15.4 wetigidzi emaMelika labanjwe kugembula.¹

¹ Ibid

TINKHOLO TEKWEDUKA

- Kepha akusiko kusebentisa tintfo letitsite letibamba noma letigcilata bantfu - bantfu bangacilatwa none nguluphi luhlobo Iwesono, nome bugcili bekutijabulisa.
- Singagcilitwa ngimicabango lemibi noma indlela yekubuka umhlaba lengasibo buNkulunkulu:
 - BaseKholose 2:8 Caphelani-ke kutsi kubete lonitfumba ngekuhlakanipha, nangekukhohlisa lokulite, aniyenge ngemikhuba yebantfu nagetifundziso temimoya yemvelo emkhatsisini. Konkhe loko kuphambene nendlela yaKhristu.
- Ungagcilitwa yinkholo yekweduka:
 - BaseGalathiya 4:8 Kodvwa nisengakamati Nkulunkulu, nanigcilitwe bonkulunkulumbumbulu.

UMTSETFO

□ Ungagcilitwa nangumtsetfo:

- BaseGalathiya 4:9-10 ... kwentiwa yini kutsi nifune kuncandzeka, niye kulemimoya yemvelo lebutsakatsaka nalengasiti lutfo? Niyatsandza yini kutsi iphindze inigcilate? **Senihlonipha emalanga, netinyanga, netikhatsi!**
- BaseGalathiya 2:4 kodvwa bazalwane mbumbulu labaletfwa ngansense, bangena ngekunyelela emkhatsisini wetfu, batinhlolli tenkhululeko yetfu lesinayo kuKhristu Jesu, khona batosenta tigcili.
- BaseGalathiya 3:23 Kusengakafiki kukholwa, **sasigcinwe ngumtsetfo, sivaleleke phansi kwemandla awo, kwaze kwefika kukholwa lobekutakwembulwa.**

UMTSETFO

- Matewu 23:4 Babopha imitfwalo lesindzako, bayibeka emahlombe alabanye bantfu, kepha bona abafuni kuyifukula, nangemuno wabo.
- BaseGalathiya 5:1-4 Khristu wasikhululela kutsi sihlale sikhululekile. Manini-ke, nicine, ningaphindzi niboshelwe ejokeni lebugcili...
Ngiyafakaza futsi kunobe ngubani wekusoka kutsi ubophelekile ekwenteni konkhe lokufunwa ngumtsetfo.
Nine lenifuna kwemukeleka kuNkulunkulu kutsi nilungile ngekwenta lokufunwa ngumtsetfo nitehlukanise naKhristu, ningephandle kwemusa waNkulunkulu.



KWESABA NEKUNGAKHULULEKI

- Labanye bantfu bagcilitwa kwesaba nekungakhululeki.
- Kungakhululeki kukwesaba, kungabata, **kwetfuka, simo lesenteka lapho kute lokubi khona**. Ungabona lokutsi lokwesaba akudzingeki lapho kepha ungakhoni kukugwema. Ungaba nenhliyiyo leshayela etulu, kufoma kwetandla, kuvaleka kwemphefumulo nesifiso sekubaleka. Ungachucha ngenca yekwesaba. Loko kungakuphazamisa kutebudlelwane, likusasa lakho, nendlela yekunakekela umtimba wakho.¹
- BaseRoma 8:15 Ngobe anemukelanga umoya **webugcili wekutsi nibuyele nesabe**, kodvwa nemukele Moya losenta emadvodzana.

¹ <http://www.fountia.com/phobias-stress>

BUGCILA BEKUTIJABULISA

- Uma sinikela intsandvo yetfu yonkhe, singagcilateka ngendzaba yekutijabulisa.
 - Thithusi 3:3 Ngobe natsi matfupha sake saba tilima, singalaleli, sidukiswa futsi **sitigcili tato tonkhe tinkhanuko tekutamasa**. Besiphila ebubini nasemoneni, sitondzekile futsi sitondzana.
- Tiyakugcilata yini tinkhanuko tekutijabulisa?
 - Kubukela mabonakudze, imidlalo yabongcondvomshina, kufundza bo inthanethi
 - Tintfo letiphatsekako - Lutsandvo lwemali netintfo
 - Kudla

KUCINDZETELWA NGEMADIMONI

- Bantfu bangagcila twa nangemadimoni:
 - Lukha 13:10-11 Ngalelinye li Sabatha Jesu abefundzisa esinagogeni, khona lapho bekunemfati **lobekanemoya lomubi lowase umgulise iminyaka lengu 18;** abesagobene angasakwati nekuhamba eme acondze atsi tfwi!
- Jesu wambita “ngendvodzakati yaAbrahama, **lebeyibanjwe nguSathane iminyaka lelishumi nesiphohlongo**” (Lukha 13:16).
 - Lukha 13:12-13 Uma Jesu ambona, wambita kutsi ete ngembili wats ikuye, “**Mfati, sewukhululekile ekuguleni kwakho.**” Wambeka tandla, masinyane umfati weluleka waphila, wadvumisa Nkulunkulu.

INKHULULEKO

- Sikhululeka
kanjani
ekugcilitweni
sono?

1. Bamba
tifundziso
taJesu



➤ Johane 8:31-32
Ngako Jesu
wakhuluma
kulamaJuda
labesakholiwe
nguye watsi:
**"Nanime emavini
ami, nibafundzi
bami sibili;
Niyawulati liciniso,
neliciniso
liyawunikhulula."**



Buka SIGABA 1

Nginitjela liciniso, **wonkhe lowenta
sono usigcila sesono.** Sigcila
asihlali unomphelo emndenini, kepha
yindvodzana yakhona lehlala
phakadze. Ngakoke **uma
Indvodzana inikhulula, niyawuba
ngulabakhululekile impela.**

2. Ngekuba nebudlelwane Nendvodzana yaNkhulunkulu (Johane 8:33-36)


KUKHULULWA KUFA

3. Ngekufa:

Uma sigcila sifa, umniyo waso ubate emandla etikwaso him. Kungako kumele sife esonweni.

➤ BaseRoma 6:6-7
Siyati kutsi umuntfu wetfu lomdzala wabetselwa esiphambanweni kanye naye, khona kutewutsi umtimba wetfu wesono utewufa, **singabe sisagcilitwa sono**— ngobe umuntfu lofile ukhululiwe emandleni esono.

Umuntfu lofile angeke alingeke kutsi ente sono!



UMNIKATI LOMUSHA

4. Ngekutfola umnikati lomusha.

- Nalu lolunye lucwaningo loluchaza tigaba tekukhululwa esonweni- Uma sigcila sitsengwa ngumniyo lomusha, umniyo lomdzala ute emandla etikwaso, ngulolomusha lonawo.
- BaseRoma 6:17-19 Akabongwe Nkulunkulu, ngobe benitigcili tesono, kodywa seniwatfobele ngenhlitiyo yenu yonkhe emaciniso emfundziso leseniyemukele. **Nakhululwa esonweni, nase niba tigcila tekulunga.** Asengikhulumise kwemuntfu ngenca yebutsakatsaka benu, ngitsi: **Njengaloku nake natinikela ngalokuphelele kutsi nibe tigcili temanyala nekukhohlakala lokukhulu, kanjalo-ke namanje tinikeleni kutsi nibe tigcili tekulunga kube kungcweliswa kwenu.**

UMNIKATI LOMUSHA

- Uma seninemniyo lomusha-nivumelani kutfunywa ngulolomdzala? Anisekho ngaphansi kwemagunya akhe.
 - BaseRoma 6:12-15 Ngako-ke ningasivumeli sono kutsi siphindze siyibuse lemitimba yenu lehubhako. Ningabobe nisatilandzela ngisho netinkhanuko temitimba yenu. Futsi akufanele kutsi ninikele titfo tenu esonweni tibe tikhali tekungalungi; kodvwa tinekeleni nine matfupha kuNkulunkulu njengobe ningulabavuswe ekufeni base bayaphila. Ngako-ke titfo tenu tinikeleni tibe tikhali tenu tekulunga kuNkulunkulu. Sono akusafanele sibuse etikwenu, ngobe anisaphili ngaphansi kwemtsetfo, kodvwa niphila ngaphansi kwemusa. Pho-ke, sitakona yini, ngobe singekho ngaphansi kwemtsetfo, singaphansi kwemusa? Cha, ngeke.

UMNIKATI LOMUSHA

- Asitsi umuntfu bekasebenta lakugcinwa khona tintfo bese uyavakasha kulendzawo lagcina kusebenta kuyo eminyakeni lengu 30 leyendlula. Asangena wabona umphatsi wakhe lomdzala, wase uyamumemeta utsi ngiyajabula kutsi sewubuyile lapha, cala usebente. Lomphatsi lomdzala amnike ema oda lekumele awente, aphindze ashanyelete nasacedzile kwenta ema oda.

Lomuntfu avele akhumule
timphahla takhe
letinhle abuyisele
letimphahla letindzala
ente lomsebenti
latfunywa wona
ngumphatsi lomdzala.¹



¹ http://www.blueletterbible.org/faq/don_stewart/stewart.cfm?id=573

UMNIKATI LOMUSHA

- Ungentani uma umuntfu angenta loko kuwe? Ungatsi lomuntfu silima. Umlalelelani umphatsi lomdzala? Ngoba akasekho ngaphansi kwemagunya akhe! Vele kungaba bulima kutsi lomuntfu alalele umphatsi wakhe lomdzala lobekangakamphatsi iminyaka lengu 30. bazalwane nabo balibele uma bavuma kutsi bangene esonweni. Imvelo yetfu lendzala ayinawo emagunya etikwetimphilo tetfu nyalo. Uma sikuvumela loko, kusho kutsi sivumela umphatsi lomdzala lote emagunya etikwetfu.¹

¹ Ibid

- Eveni lenyama, siyabona kutsi kubulima kulalela umphatsi lomdzala, kepha sicabangelani-ke kutsi kuyavumeleka eveni lakamoya?



INKHULULEKO

- Sate sacondza kutsi sono, Sathane nemtsetfo akusenamagunya etikwetfu, umphumela ngunaku lokulandzelako:
 - Inkhululeko
 - Bungcwele
 - Imphilo Yaphakadze
 - ❖ BaseRoma 6:20-22 Ngesikhatsi nisetigcili tesono, nanikhululekile kutsi ningakwenti lokulungile. Natfolani-ke ngekwenta leto tintfo leseninemahloni ngato nyalo? Phela siphetfo saleto tintfo kufa! Those things result in death! Kodvwa nyalo **senikhululiwe esonweni**, senitigcili taNkulunkulu; nitfola sitselo senu sekungcweliswa. **Siphetfo saloko kuphila lokuphakadze.**

KUTSATSA SIKHATSI LESINGANANI?

- BaseRoma 6 bendlala sisekelo sekukhululeka kwemKhristu esonweni. Lokukhululwa Nkulunkulu ukwentela wonkhe umzalwane ; wonkhe angangena kuko. Ngetulu kwakokonkhe, kumele sicondzisise kutsi lokukhululwa emandleni esono kungemukelwa ngalowo mzuzu soni semukela Inkosi Jesu njengeNkosi neMsindzisi futsi atalwa kabusha. Akudzingi ute ube ngumzalwane losamudzala Enkhosini, wancotjwa timphi kungukhatsi wemukela lelivangeli. **Kwephuta kwemukela livangeli ngekwa BaseRoma 6 kungabangwa kuva livangeli lelingakapheleli noma kungafuni kulemukela ngalokuphelele ulente.** Kepha-ke lesibusiso kumele sibe yinzuzo yawo wonkhe lotelwe kabusha.¹

¹ Watchman Nee "The Spiritual Man" Volume 1: Chapter 10 "Deliverance From Sin And The Soul Life" - "The Way Of Deliverance"

INKHULULEKO !

- Mhlaka 31 Kholwane, 1838 esichingini sase Jamaica, indvodza libito layo ngu William Knibbs, wagcogca tigcili letitinkhulungwane letilishumi titowudvumisa.
Bebatojabulela umtsetfo we New Emancipation Proclamation Act lebewucedza bugcili kulesichingi.
Bebakhe libhokisi lemngcwabo lelikhulu kulo bafake tiswebhu, tinsimbi bebashiywa ngato, tinketane, tembatfo tebugcili nakokonkhe lokubi bekumelele tintfo tebugcili kukhombisa kutsi kwase kuphelile.

Ekhatsi nebusuku, Knibbs wamemeta watsi, "Lesilwane siyafa." emvakwensimbi lebeyilandzela lesisho, bebamemeta njalo sicuku naso sangenela lokumemeta.¹

¹ <http://www.sermoncentral.com/illustrations/sermon-illustration-bill-lobbs-stories-whatisevangelism-greatcommission-lordshipofchrist-1204.asp>

INKHULULEKO !

- Kulensimbi yelishumi nakubili, emaphimbo latinkhulungwane letilishumi amemeta atsi, "Lesilwane sifile, lesilwane sifile, asisingcwabeni." Base bayasibetsela simbonyo selibhokisi balehlisela emgodzini balingcwaba. Kulobo busuku, yonkhe inhlitiyo beyijabulile, emaphimbo latinkhulungwane letilishumi timemeta, tikhala ngenjabulo. Kutsi bebasebugcilini, manje bese bakhululekile.

Kunalesinye siku salendzaba . Labanye uma bajabulela kukhululeka, kunalabanye lebebahlala khashane khona lasichingini, lebebangati kutsi besebakhululekile ngekwemtsetfo. Ngalokungati kwabo, iminyaka leminyenti emvakwalomtsetfo we Emancipation Proclamation ushayiwe, bebachubeka basebenta kubanikati bawo.¹

¹ Ibid

INKHULULEKO !

- Labaphatsi labadzala bakhona kubafihlela lendzaba basakhona . Ngekwemtsetfo bebakhululekile futsi kungakameli baphilise kwetigcili. Kepha-ke, kungati liciniso kwabenta bahlala ebugcilini.

Asenginitjele nayi indzaba lebuhlungu. Namuhla, uma siva indzaba lenjengaleyo yenteka, siyefuka, sibavele siphindze sikwate. Kepha-ke liciniso kutsi lentfo leyo iyenteka namuhla.¹

¹ Ibid

INKHULULEKO !

- Jesu Khristu, ngekutsi wasincobela esonweni esiphambanweni, kwasinika lomtsetfo we Emancipation Proclamation wenkhululeko esonweni kuwowonkhe lophila emhlabeni. Kepha-ke labanye labafana nalabaseJamaica, kukhona namuhla labangacondzi kutsi akusamele baphile ebugcilini besono, nasathane uzama kutsi abagcine banjalo.
- Umlayeto wesiphambano ngulona: Sathane wancotjwa nesono lahlulela ngaso sabhadalelwa. Akukameli sivumele kuphatfwa sono noma kuphatfwa nguSathane. Singatinikela kuJesu siphilele kujabulisa Nkulunkulu.¹

¹ Ibid

Audio (WMA) and text (PDF) ministry

FREE MINISTRY DOWNLOADS



UMBHALI: Gavin Paynter

UMHUMUSHI: Simanga Mabuza

- Uma ufuni Iwati lolengetiwe ngalenkonzo vakashela:
<http://www.agfbenoni.co.za/ministry-archives.aspx>
- Nanidzinga letinye tifundziso letibhalwe ngu
Gavin Paynter vakashela kule website:
<http://www.agfbenoni.co.za/ministry-archives.aspx?speaker=Gavin%20Paynter>

UMNIKATI WELUCWANINGO

- SIGABA1: Biblical illustrations by Jim Padgett, alutsatsela ku;
<http://biblesocietysz.com/projects.doc>
- Ngaphandle kwalapho sisho khona, Imibhalo itsatselwe Ebhayibhelini leSiSwati:
 - LIBHAYIBHELI LESISWATI® 1996
 - South African Bible Society®,
Copyright © 1976, 1981

Amagunya atfolakala ku: <http://www.biblesociety.co.za>